

Efeso

Yaižézé ac.

1 ¹Anutuac ewa siŋiguc Kristo Yesuac Méliméli ic wawaŋa ni Paulonéŋ Efeso ama areŋa yandaiguc kecanzu ic embac téréya ini zéma Kristo Yesuac qeriaiguc ic héla wamma ninzénŋéma kecanzu onac muru kiwi yomi oénécmizua. ²Anutu Maŋgocnina zéma Miŋ Kewunina Yesu Kristo iorac murunec ewa hia zéma luaenéŋ onac muru hemac.

Qeri uŋawac mozocya.

³Mepé qepési wammini! Miŋ Kewunina Yesu Kristoac Maŋgocya Anutunéŋ Kristoac qeriaiguc qeri uŋawac mozoc kurumeŋ igucnec hahaya hénia hénia mozocgé nénécmiyec. ⁴Waŋu eŋeya kiwaiguc zéma eŋeya ala siŋiguc, neŋaŋ téréyanec zéma solananeŋ kecbiŋ niŋac, baec kurumeŋ ménda zéyu hicŋiyecnec, Kristoac qeriaiguc gési nénécmiyec. ⁵Gési nénécmima ewa hia nimma eŋeya ewa siŋiguc becaru niŋareŋgéyu heyec séc, Yesu Kristonéŋnec neŋaŋ eŋeya nambérac héra buŋa qenénécmiyec. ⁶Imi mia siŋa nimmianzac Yesu iwac qeriaiguc, iwac ewa hia edamuyaguc imi neŋaŋ muru boŋteŋic eŋ nénécmiyec imi mepésimiwiŋ niŋac, imuhuc waŋ nénécmiyec. ⁷Kristo iwac qeriaiguc mia, ewa hiaya kuaya qeŋeya imuac séhaiguc, sacyanéŋ boŋ héré menénécmima késpedesicnina wai nénécmiyec. ⁸Imi mia inéŋ niŋteŋic qinŋteŋic zéma niŋ asac asaria moczoŋnec neŋaŋ muru mesécgé nénécmiyec. ⁹Imuhuc wamma ewa siŋa sasanga, eŋeya ewa qeriaiguc niŋareŋgéyu heyec imuac séciguc, ewa hiawac zéau nénécmiyu qerininanéŋ ninziŋ. ¹⁰Imi mia nalé niŋec imi ducŋiyu, iwawai kurumeŋiguc kekera zéma iwawai baeciguc kekera imi moczoŋ Kristoac qeriaiguc areŋhéra tuŋ momacguc wammac niŋac imuhuc waŋ nénécmiyec. ¹¹Iwawai moczoŋ ewa siŋa hezac séc waŋanzac Anutu iwac ewa siŋ méndacma bec zétecgéyu heyec séciguc Kristoac qeriaiguc gési nénécmiyu iwac mératécac buŋa wamma kecanziŋ. ¹²Imi mia Kristoac qeriaiguc walac walac mambéc kerinac kecanziŋ neneŋ imi kecma tetecgiaiguc iwac edamuyawac mepé qepési héra wambiŋ

niḡac imuhuc waḡ nénécmiyec. ¹³Ini acguc iwac qeriaiguc ac héla, késpedes igucnec aḡgét titiac buḡa suruc hiabia imi nimma ninzégégic sisipac acwac Uḡa téréyanéḡnec eḡeya buḡawac asé kiwi meénécmiyec. ¹⁴Waḡu Uḡa Téréya iminéḡ mia kurumeḡac mératécnina imuac sisipac acwac asé kiwiya wanzac. Waḡu ic embac elinégé nénécmimia imi boḡ hérénina menénécmiyu eḡeya edamuya mepésimiwiḡ niḡac imuhuc waḡ nénécmiyec.

Pauloac zéwelec ac.

¹⁵Hénia imuac niḡac ini Miḡ Kewunina Yesuac qeriaiguc ninzégé ninzéggina késakeczu imuac suruc zéma ala siḡgina ic embac téréya ionac waḡ énécmianzu imuac suruc imi ni acguc zégic nindari. ¹⁶Imuac mia onac niḡ wamma ménda misimanec ewa hia ac ézéma zéwelecanzua séc onac qacgina imi zéhicḡi mianzua. ¹⁷Miḡnina Yesu Kristoac Anutu, maḡgocnina edamuyaguc inéḡ mia niḡtegic qinḡtegic zéma ackuazéc zéauauya imuac qeri uḡa imi énécmiyu Anutuac hénia séha nintegicmu niḡac zéwelec waḡanzua. ¹⁸Waḡu ewa qeriginawac kiwa measari énécmiyu hénia némac niḡac unuruyu mambéc keczu imi zéma ic embac téréya suginaiguc mératéc edamuyaguc dimuhucya kuaya qeqeya késa keczu imi niḡyacgému. ¹⁹Waḡu iwac kuc yandaya ogicqogira ninzégé ninzégé ic neḡaḡ muru ai meanzac iminéḡ kukuc duruc durucya eḡeḡa wanzac imi niḡtegicmu niḡac zéwelecanzua. ²⁰Waḡu Anutuac kuc yanda iminéḡ Yesu humuc igucnec meqeliyec. Meqelima wagicma kurumeḡiguc emma eḡeya méra héiyaiguc oporec. ²¹O pocma qara imi meyaru ic kewuya kewuya zéma qac buḡa zéma kuc buḡa zéma galeḡ buḡa zéma qacgina hénia hénia baec yomuac naléiguc hezac imi sac qahac, néḡ ama baec hahaya hémbénaḡaiguc hezac imi moczoḡ onogicdarec. ²²Waḡu iwawai moczoḡ imi hénia duandiaiguc haiyec. Haima Yesu imi iwawai moczoḡ onogicma hénarioḡ neḡaḡ orucnina wammac niḡac oporec. ²³Waḡu hénarioḡ neḡaḡ imi iwac hénia méria^a wamma kecziḡ. Waḡu hénarioḡ imi mia iwawai moczoḡ imuac qeriaiguc iwawai moczoḡ sécgé énécmianzac iwac howiacnec wanzḡiḡ.

Humuc igucnec kekeciguc.

2 ¹Waḡu ini wawaḡ meme biria zéma késpedesgina imuac qeriaiguc humugic meqeli énécmiyec. ²Becnec imi ini haka biria imuhucyawac qeriaiguc tacyac wamma baec yomuac haka silic zéma Biria miḡnina kurumeḡ bawa sawawac galeḡ memeac kuha késa keczac imi méndacma kecaḡgic. Waḡu deguc ac qeqe ic ionac suginaiguc ai meanzac uḡa biria iminéḡ mia Biria miḡnina wanzac. ³Becnec imi

^a 1:23 Girik aciguc; Soma, neḡaḡ neḡaḡ aciguc séwiya.

neŋaŋ imuhucyanec suginaiguc kecma séwininawac siŋ tohoma kecma séwinina zéma ewaninawac siŋanéŋ waŋ nénécmiyec séc waŋiŋ. Imuac ic tosara iniguc hénianina momacguc waŋu qeri biriawac buŋawac nambérac héra kerij. ⁴Anutu wésé niniŋ kuneŋ yanda hemiyu neŋaŋ ala siŋ waŋ nénécmima ala siŋ yanda imuac niŋac wamma ⁵képésic nina niŋac humuyiŋ neŋaŋ imi Kristo Yesuac qeriaiguc meqeli nénécmiyec. (Ini imi ewa hiaya niŋac aŋgérŋnina tinénécmiyec.) ⁶Neŋaŋ Yesuguc momacnec meqeli nénécmima Kristo Yesuac qeriaiguc kurumeŋac kekeciguc i guc momacnec tacbiŋ niŋac nonoporec. ⁷Imi mia Kristo Yesuac qeriaiguc wésé niniŋ waŋ nénécmima iwac ewa hiaya ogicqogira imi baec yomuac naléya hama emmac séc nénézéyu hémbiŋ niŋac imuhuc waŋ nénécmiyec. ⁸Ini imi ninzéŋgéŋic ewa hiaya niŋac aŋgérŋgina tiénécmiyec. Imuac niŋac imi mia onac murunec qahac, néŋ sese Anutuac murunec hahaya wanzac. ⁹Imi mia wawaŋ memenina igucnec qahac, imuac ic embac méŋnéŋ méŋ séwi eŋeŋ hia ménda wammac. ¹⁰Neŋaŋ imi Kristo Yesuac qeriaiguc ai solaŋa mewiŋ niŋac Anutunéŋ menénécmiyec. Waŋu ai imuhuc geŋnec tima kembij niŋac Anutunéŋ becneŋ niŋu heyec.

Kristoac qeriaiguc ewa momac wamma kecbij.

¹¹Imuac niŋac ini yomuhuc niŋqelimu; Becneŋ ini séwi tasé herichericgina qahac ic enia kecaŋŋic. Imuac niŋac ic embac méraginanéŋ séwi taségina hericma séwi tasé hericheric ginaguc zéénéŋ mimiawac kecaŋŋic ieneŋ onac niŋ séwi tasé herichericgina qahac zéénéŋ miŋŋic. ¹²Nalé imuaru ini imi Kristo qahac séŋgaŋŋeŋ kecaŋŋic. Kecma Israelac héŋgaleŋ ama areŋa yanda imuacnec elicgé énécmimia wamma eŋacnec kecaŋŋic. Waŋu zikiziki acwac sisipac ac imuac mia ic embac méréra tanec kecma niŋkinzéŋgina qahac Anutugina qahac baeciguc kecaŋŋic. ¹³Waŋu deguc imi becneŋ lakec kecaŋŋic ini Yesuac qeriaiguc Kristoac sacya niŋac Anutuac muru hosuru énépésima onoporu kecaŋu.

¹⁴Kristo imi luaenina. Inéŋ sucninaiguc demij elic elicgia naŋec imi iwac séwiya aunénécmima hézéŋgéyu mayu tuŋ éréhécnéŋ momacguc waŋec. ¹⁵Waŋu tuŋ éréhéŋc imi eŋeya qeriaiguc séwi momacguc qeliawac wamma luaeiguc kecmu niŋac eŋeya séwiya wai nénécmima zézé seli ac zéma pakeŋ ac zéma hénia ac hénia imuhucya imi néhélima hazéc wamma kekec imi audarec. ¹⁶Waŋu ic héŋgeŋa wéndara iminéŋnec tuŋ éréhéŋc imi séwi momacguc wamma Anutuguc ewa momac wammu niŋac imuac qahaiguc hazéc niniŋ imi qeyu humuyec. ¹⁷Waŋu mama hama lakec kecaŋŋic ionac zéma hosuru kecaŋŋiŋ Yuda ic nonac momacnec luaeac buŋa neŋaŋ muru zéau nénécmiyec. ¹⁸Imi mia iwac qeriaiguc ini zéma nini neŋawu Uŋa téréyawac qeriaiguc Maŋgocac muru kerembij niŋac imuhuc waŋ nénécmiyec. ¹⁹Imuac deguc muarunec, ini imi ic

méréra me ic kian qahac, néŋ ic embac météré énécmimia i iniguc séc momac wamma Anutuac arenhéra zéma héngalenj ama areŋa yanda imuac buŋahéra wamma keczu. ²⁰Ini imi Yesuac Méliméli ic zéma Anutuac tiliŋ tiliŋ ic ionac qambaŋa imuac qahaiguc kumu énécmimia. Kristo Yesu eŋeyaoc imi ama imuac waŋgoŋaiguc hoc qambaŋa waŋecac keczac. ²¹Iwac qahaiguc sécna sécga momacnec toroqema enni ama imi moczoŋ Miŋ Kewuninawac qeriaiguc ocmuŋ téréya wamma yandima eŋanzac. ²²Ini acguc Uŋa téréyawac qeriaiguc ocmuŋ téréya Anutunéŋ tacyac wawaŋa wammac niŋ Yesuac qeriaiguc momacnec toroqe énécmiyu eŋanzac.

Paulonéŋ ic enia ionac niŋac wamma ai meyec.

3 ¹Waŋu Paulo ni ac zéma mazua hénia imuac niŋac ic enia onac niŋac wamma Kristo Yesuac hésa ic wamma kecanzua. ²Waŋu ama imuac welenj qeqe ai imi Anutunéŋ onac niŋ wamma goi héihéiyawac niŋac wamma nuac néŋec imi ini hélacnec bec niŋgic gezanj. ³Waŋu usuya auma ac saŋa imi nézéyu niŋasariyi suruc imuac imi bec zékanj zékanj wamma oénécmiyi. ⁴Ini kiwi imi olommuiguc Kristoac hénia saŋa niŋtegiri imi ini acguc niŋtegicmu. ⁵Ac saŋa imi deguc Yesuac méliméli ic téréya zéma Anutuac tiliŋ tiliŋ ic ionac muru Uŋa téréyanéŋ zéhicŋi énécmiyec ésécnec becaru imi hicŋisai nalé tosaraiguc imi ic onac naŋhéra méŋac méŋ imuhuc ménda zéhicŋi énécmiyu niŋgic. ⁶Imi mia ic enia enej buŋa suruc hiabia imuaru toroqema Kristo Yesuac qeriaiguc sisipac acya imi momacnec mératéc mema neŋawu momacnec séwi momacguc wamma kecziŋ. ⁷Waŋu Anutuac goi héihéia niŋac ai memeac sese mihicŋi néŋu, imuac kuhanéŋ nuaru ai meanzac séciguc buŋa suruc hiabia imuac ai icya wamma keczu. ⁸Buŋa suruc hiabia, Kristoac mériaŋ yanda oloŋ oloŋawac séc qahac imi ic enia énézémanj niŋac ic embac téréya ionac suginaiguc maqeqeya téŋgéŋ tosara onogicma mamaya kecanzua nidac imuhucyawac goi héihéiyawac buŋa qenéŋec. ⁹Imi mia iwawai moczoŋ zéhicŋiyec Anutu iwac qeriaiguc nalé hénihénia qahac imuarunec musaŋ musaŋgiawac niŋu heyec ai areŋa imuac héra imi dimuhucya wanzac imi zéasari énécmimanj niŋac imuhuc wannéŋec. ¹⁰⁻¹¹Imi mia nalé hénihénia qahac imuarunec Anutunéŋ Miŋ Kewunina Kristo Yesuac qeriaiguc niŋareŋgéyu heyec imi méndacma degucmi Yesuac héniaoriŋ héra neŋaocnec Anutuac niŋtegic qiŋtegic hénia hénia imi mewininini kurumenjiguc kua meme uŋa qac buŋaginaguc zéma kuc buŋaginaguc ieneŋ hénia imi héŋtegicmu niŋac imuhuc waŋec. ¹²Neŋaŋ imi Yesuac qeriaiguc i ninzéŋgéma imuacnec mia bac yandi yandi qahac Anutu hosucgé mimiawac hénia mihicŋima kecziŋ. ¹³Imuac zéwelec énécmizua. Onac niŋ wamma qeŋzeŋ manzeŋ hénia hénia mihicŋima kecanzua imuac mia ewagina ménda mamac, néŋ niŋgic edamuginaguc wammac.

Kiwi yomi olommu ionac niḡac wamma zéwelerec.

14^{14a} Hénia imuac niḡac 15¹⁵baec kurumenḡiguc ic embac hénia hénia kecḡu ionac qacgina mihični énécmiyec.^b 14^b Maḡocnina iwac muru ni simiḡna héimima yomuhuc zéwelec mizua; 16¹⁶Inéḡ waḡu, iwac edamuya kuaya qeqeya séciguc Uḡa téréyanéḡ onac qeri icgina imi kuhanéḡ meseli énécmimac. 17¹⁷Meseliyu ninzénḡégic Kristonéḡ onac ewa qeriginaiguc kecénécmiyu eneḡ imi goi héihéi imuac qeriaiguc gété zaligina meyu nammu. 18¹⁸Namma seligima météré énécmimia moczoḡ yanda iniguc momacnec Kristoac goi héihéiya imuac hilaḡaya zéma horuaya zéma hiḡgac hiḡgaraya zéma eḡeḡaya imi séha niḡtegicmu. 19¹⁹Waḡu Kristoac siḡ sorocya imi baec ic ionac ninḡ ninanéḡ olommuac séc qahac, waḡu ini imi niḡasarimu niḡac zéwelecanzua. Niḡasarigic Anutuaru qeriaawac mériaḡ kuaya qeqeya hezac iminéḡ onac muru kuaya qesalecḡéma hemac zéma zéwelecanzua.

20²⁰Kuha yandanéḡ neḡaḡ muru ai meanzac imuac séciguc, iwawai hénia hénia welec mianziḡ me niḡanzḡ imi ogicma emma wandac wandac medac medac miḡjina 21²¹Anutu iwac muru mia Kristo Yesu zéma iwac hénaoriḡ héra ionac suginaiguc edamuyanéḡ hičniḡaiya hičniḡaiya hema emma hemac, hélacnec!

Kristoac séwi tasia wamma momacnec ai mewiḡ.

4 1¹Imuac mia Miḡ Kewuninawac wamma hésa ic kekera neḡ meme seli ac yomuhuc énézézua; Anutunéḡ unuruyu ini iwac buḡa kecanḡu imuac hakagina imi imuac séha wamma kecmu. 2²Ewa qerigina memaamuma qeri bénzénḡiguc zérabéraiguc nalé horuacnec naḡselima goi héihéiac qeriaiguc bisiqatéḡ waḡamumu. 3³Imuhuc wamma Uḡa téréyanéḡ luaeac hésanéḡ dérécḡé énécmiyu momacḡuc waḡḡic imi mia seliseli wamma qambaḡtohoya memu. 4⁴Séwiya imi momacḡuc, Uḡa téréya imi acḡuc momacḡuc, waḡu ini imi héihéré énécmimac niḡac momacnec niḡkinzénḡéma keḡcic unuruyec. 5⁵Miḡ Kewunina imi momacḡuc, waḡu ninzénḡ ninzénḡ imi acḡuc momacḡuc, waḡu doku naec imi acḡuc momacḡuc, 6⁶Waḡu Anutu acḡuc momacḡuc, waḡu inéḡ mia kekec momac yanda imuac maḡoc keczac. Waḡu kekec momac yanda iminéḡ méra bawu keḡcic momacḡuc wammu niḡac dérécḡé énécmima duḡa imuac suginaiguc kecanzac.

7⁷Waḡu icya icya Kristoac sese séha séc méndacma goinina héima nénécmiyec. 8⁸Imuac mia ac kiwi méḡ yomuhuc ooyawac hezac; Inéḡ ou eḡec nalé imuaru hésa ic sasala dérécḡé énécmima onagicma eḡec. Emma ic embachéra ionac muru sese énécmiyec.^c

^b 3:15 Ac yomuac hénia imi; Inéḡ momac yanda neḡaḡ Maḡocnina. ^c 4:8 Nalé imuaru kawaligina yaréiguc onogicma lilingéma hama iwawai onagiccic imi ic embachégina gili énécmiḡḡic. Yesu imi neḡaḡ kawalinina waḡzac imuac haka imuaru ac héima zézac.

⁹Ou eŋec zéyec imuac hénia imi walac baeciguc emu hiŋgarec imi mia, néŋ hénia ménŋ ménda hezac. ¹⁰Hiŋgarec inéŋ mia kurumeŋa kurumeŋa onogicma eŋec i eŋeyaoc wanŋac. Inéŋ iwawai momac yanda imi sécŋé énécmimaŋ zé imuhuc waŋec. ¹¹Waŋu inéŋ mia tosara Yesuac Méliméli ic, tosara kua meme ic, tosara buŋa suruc hiabia zéauau ic, tosara pasto, tosara kiwi ic wammu zéma onoporec. ¹²Imi mia ic embachéra téréya mesolaŋani énécmima weleŋ qeŋe ai megic toroŋe amuma Kristoac séwi ésécnec yacmac niŋac imuhuc ai buŋa qéénécmiyec. ¹³Neŋaŋ imi Anutuac naŋa ninzéŋgéma hénia niŋasariwiŋ. Imuhuc wanni ninzéŋ ninzéŋnina zéma niŋ asac asarinina iminéŋ toroŋe nénécmiyu séwi momacguc wamma ic yandi tetcgia wambiŋ. Imuhuc wamma Kristoac yandi yandiac séc éréréŋiguc yandiwiŋ. ¹⁴Imuhuc wamma neŋaŋ imi deguc muacnec nambérac tanec ménda kecbiŋ. Ic diwi qiwiliŋanéŋ ac halécnéŋ ala batuc waŋ énécmigic ninzéŋ ninzéŋac ac areŋareŋgia hénia hénia imuac temboŋ temboŋanéŋ qekeŋ qeŋa waŋ énécmiwac niŋac. ¹⁵Néŋ goi héihéiya qeriaiguc ac hélawac zéma wawaŋ memenina séc orucnina Kristo iwac kekecac séciguc yandiwiŋ. ¹⁶Iwarunec séwi tasia imi moczoŋ toroya toroya toroŋe mimia waŋu iwawai hiabia séc qema énécmiyu qéhéréŋgé amuma séwi tasiawac kuha séc ai mema séwi imi meyandima goi héihéi imuac qeriaiguc miyacgé amuanŋac.

Kekec wahala zéma kekec qelia.

¹⁷Imuac niŋac ni séwiac hénia imi zéma Miŋ Kewunawac qeriaiguc ninzéŋ ninzéŋna zéau énécmizua; Deguc muacnec imi ic enia eneŋ ewa qeriginanéŋ iwawai héla qahac imuac wamma kecanzu ésécnec imuhuc ménda wamma kecmu. ¹⁸Ieneŋ imi niŋasac asari ginanéŋ siŋidéŋgéyu niniŋgina qahac imuac suraiguc ewa qeriginanéŋ seligiyu Anutuac kekec igucnec waima keŋgic. ¹⁹Ieneŋ niŋteŋgic qinŋteŋgicgina qahac tanec wamma séwiac siŋiguc opocamuma haka biria hénia héniaiwac hémbaoc wamma waŋanzu. ²⁰Ini imi Kristoac hénia imuhuc ménŋ ménda kuamugic. ²¹Ac héla imi Yesuac qeriaiguc hezac éséc ini hélacnec iwac murunec ku énécmiyu niŋgiciguc imi ²²ini ala batucac féŋgéic ic méndacma houma keŋanzac ic wahala imuac haka imi séwi usugina ésécnec hetecgému. ²³Ewa qeriginawac uŋa imi meqeli énécmimia waŋu ²⁴Solaŋ dindiŋa zéma ac hélanéŋ météré énécmiyu Anutuac tanec ic qelia maleku ésécnec héiamuma kecmu.

Kekecac hénia ac.

²⁵Waŋu neŋaŋ momacnec Yesuac séwi tasia wamma kecziŋ imuac niŋac ini ikoc waima ama momac ic iniguc eŋaocnec ac hélacnec zému. ²⁶Ini qeri biric nimmuiguc képésic ménda wammu. Waŋu kaiwe kiwa hiŋgacmac imuac séc qeri biric ménda késama kecmu. ²⁷Biria miŋinawac

titiņa mēj ménda waimigic érémac. ²⁸Kowu nenenēj muŋguc kowu ménda nemac, nēj nówéciguc maqeqeya méra mimacac séc iwawai mihicjimaŋ zé eŋeya mérianēj ai mema haka hiabia wammac. ²⁹Ac biria imi kuagina igucnec ménda waigic mamac, nēj ac hiabia ic tosara meyac énécmimacac sécyá zéma acgina ninzu imi onac goi héihéi mihicji énécmimu. ³⁰Ini imi Uŋa téréyawac qeriaiguc asé kiwi menénécmiyu aŋgēj titiac nalé ducjimaŋ imuac séc iwac buŋa kecmu, imuac niŋac Ini Anutuac Uŋa Téréya ewa biri ménda mihicji mimu. ³¹Ini qeri howuc zéma qeri biric zéma yonkanzaŋ zéma wauŋ silac zéma zébiri qébiri haka silic imuhucya imi eŋaŋ muru augic qahac wandacmac. ³²Eŋaocnec goi héihéi waŋamuma wésé niniŋ waŋamuma Anutunēj Yesuac qeriaiguc késpedesigina wai énécmiyec éséc késpedesigina waiamumu.

5 ¹Imuac goi héihéi waŋ énécmiyu kecanzu nambérac imuhucya ésécnec Anutuguc kéréndénj wamma kecmu. ²Ini imi Kristonēj goi héihéi waŋ énécmiyec séciguc eŋaocnec iwawai mēj wamma mewij zé goi héihéiyawac qeriaiguc wammu. Kristo inēj neŋaŋ niŋac wamma eŋeya kekecyá waima mulu manaŋ héméŋa hiabia ésécnec Anutu héimiyec. ³Ini imi suginaiguc kaisero zéma haka biria hénia hénia zéma hémbaoc haka imuhucya imuac qara acguc mēj ménda zéhicjimu. Iminēj ic embac météré énécmimia ionac hakagina séha wanzac. ⁴⁻⁵Kaisero zéma ic qerigina zapi qeqeya zéma hémbaoc (baniarawac mepé qepési ai) wammu imi enej moczoŋ yanda Kristo zéma Anutuac ama yandaiguc mératéc mēj ménda memu. Imi ini niŋyacgéma nindaczu imuac niŋac ac zapi qeqeya zéma zézoraŋ ac zéma lisi ac imi ménda zému, nēj nówéciguc ewa hia ac ézému.

⁶Méŋac mēj ménda wai énécmigic ac gorosoŋa énézéma ikoc waŋ énécmiwu niŋac. Haka imuhucyawac niŋac Anutuac qeri gericnēj ac qeqe haka imuac nambérac héra ionac muru maanzaŋ. ⁷Imuac mia ic imuhucya iniguc késayu késa ménda wammu. ⁸Ini becneŋ imi siŋi tunumaŋac buŋa kecgic, nēj deguc imi Miŋ Kewuninawac qeriaiguc asac mararaŋac buŋa keczu. Imuac asac mararaŋac nambérac imuac séciguc kecmu. ⁹Asac mararaŋac héla gocmia imi mia haka hiabia, haka solaŋa zéma haka héla. ¹⁰Némacnēj Miŋ Kewunina ségiségi mihicji mianzaŋ imi batucgé hémma, ¹¹ini imi siŋi panamaŋac ai iwawai héla qahac imuac ménda toroqemu, nēj énézégic haka biria héŋtegitmu. ¹²Ieneŋ sasaŋgiaguc waŋanzaŋ imi kuananéŋ zémaŋ zéwa gamu mamasuŋaguc waŋu réwérizua. ^{14a}Hémbiŋac séc imi moczoŋ asac mararaŋaguc, ¹³hénia imuac niŋac, iwawai moczoŋ asac mararaŋaŋ nēj qetagaliju wininianzaŋ imi kicninanéŋ hémbiŋac séc waŋanzaŋ. ^{14 14b}Imuac ac mēj yomuhuc ooyawac hezac; Gaugina hekeczu ini yacgic! ini humuc ic ionac sugina igucnec yacgic! Kristonēj qetagalima asari énécmimac.

¹⁵Imuac ini hakagina dimuhuc wamma kecmu imi niŋtegitmu. Imuhuc wamma ic embac niŋtegit qinŋtegitgina qahac ésécnec qahac, nēj

niŋtegiç qinŋtegiç ginaguc wamma kecmu. ¹⁶Nalé imi biria yéwériyaguc, imuac niŋac ini nalé imi qaurac ménda qemu. ¹⁷Imuac bec ini ewa soho ic ménda wammu, néŋ Miŋ Kewuninawac ewa siŋ imi dimuhuc hezac imi nitegiçma kecmu. ¹⁸Waiŋ doku seliaguc ewa soho ménda wammu. Imi mia kekeç soho sohoya. Néŋ Uŋa téréyanéŋ séçgé énéçmiyu kecmu. ¹⁹Mepé qepési legic, zéma ewa hiawac legic, zéma legic téréya eŋaŋ héiamuma ewa qeriginanéŋ Miŋ Kewuninawac muru legic héimima mepésimimu. ²⁰Haka hénia hénia hiçŋi énéçmianzac séç Miŋ Kewunina Kristo Yesuac qaraiguc nalé séç Anutu maŋgocnina ewa hia ac ézému.

²¹Waŋu Kristo ee héihéi wammima eŋaocnec méra bacginu kecamumu. ²²⁻²³Kristonéŋ hénaoŋiŋ ionac orucgina wamma eŋeya séwi wamma keczu ionac aŋgéŋ titi ic wanzac ésécnec, embac méŋac euyanéŋ iniŋa iwac oruha wanzac, imuac niŋac embac ini euhéçgina ionac méra bacginu keçma Miŋ Kewuac muru wammianzu ésécnec waŋ énéçmimu. ²⁴Néŋ hénaoŋiŋ eŋeŋ Kristoac wammianzu ésécnec embac ini imuhucyanec euhéçgina tohotoho waŋ énéçmima kecmu. ²⁵Ic ini acguc iniŋhéçgina ionac goigina héiéénéçmima Kristonéŋ hénaoŋiŋ ionac goigina héi énéçmima ionac niŋac wamma eŋeya kekeçya wai énéçmiyec imuac séçiguc waŋ énéçmimu. ²⁶Imi mia dokunéŋ naec énéçmima ackuazéçnéŋ zuac énéçmima météré énéçmiyec. ²⁷Imuhuc waŋ énéçmima eŋeya kiwaiguc hénaoŋiŋ téréya kumu énéçmima métac métac me kiric misicya qahac téréyanec solananc wammu niŋac imuhuc waŋ nénéçmiyec. ²⁸⁻³⁰³⁰Neŋaŋ imi Kristoac séwi tasia kecziŋ imuac niŋac, ²⁹Kristonéŋ hénaoŋiŋ héra galençgé nénéçmianzac. Ic méŋnéŋ méŋ eŋeya séwiya niŋac mézé titi ménda waŋamuma nalé séç nene gumu amuma kecznac. ²⁸Imuac ic ini imuhucyanec eŋaŋ iniŋhéçgina imi eŋaŋ séwigina ésécnec goigina héi énéçmimu. Ic méŋnéŋ méŋ iniŋa goiya héimianzac inéŋ imi eŋeya séwiya goiya héiamuanzac tacnec wanzac. ³¹Hénia imuac niŋac ic méŋnéŋ neŋgoc maŋgocya wai éréçmima kemma eŋeya iniŋaguc toroqema séwi éréhéçnéŋ séwi momacguc wammaoc imuhuc zéyu ooyawac hezac. ³²Waŋu imuac hénia saŋa imi qeu hiŋgac hiŋgara. Ni imi Kristo zéma Anutuac hénaoŋiŋ ionac niŋac momacnec imuhuc zézua. ³³Waŋu ini imuhucyanec eŋac eŋac eŋaŋ iniŋhéçgina imi eŋaŋ ésécnec goigina héi énéçmimu. Waŋu embac ini acguc euhéçgina onac eegina héi énéçmimu.

Nambérac zéma neŋgoc maŋgoc.

6 ¹Nambérac ini Miŋ Kewuninawac qeriaiguc neŋgoc maŋgoc héçgina niŋtoho waŋ énéçmimu. Haka iminéŋ haka dindiŋa wanzac. ²Geŋga neŋgoc maŋgocga eegira héi éréçmiwésémaŋ iminéŋ mia hénac walac walac zikiçiki acyaguc wanzac. ³Imuhuc wambésémaŋiguc gi imi baeciçuc nalé horua kekeçgaguc keçbésémaŋ. ⁴Maŋgoc ini nambérac

hécgina qeri geric ménda mihicji énécmimu, néj Miñ Kewuninawac pakej ac zéma zézé seli acnéj qegumu énécmimu.

Welej qeje ic zéma ionac miñ mañgocgina.

⁵Welej qeje ini imi bac yandi yandi wamma zénéngina hiriyu ewa qerigina hélanéj séwiginawac miñ kewu hécgina imi Kristoac muru wammianzu éséc nec weleñ qeénécmimu. ⁶Ionac kicginaiguc baec ic ionac ewa qerigina mehiaru énécmianzu éséc qahac, néj Kirisistoac weleñ qeje ic éséc nec ewa qeriginanéj Anutuac ewa siñ niñtoho wamma ⁷siña nimma weleñ qeénécmima ic ionac wañanzu éséc nec qahac, néj Miñ Kewuninawac wammianzu éséc nec weleñ qeénécmimu. ⁸Imi mia icya icya haka hiabia méñac méñ wammuiguc weleñ qeje me miñ mañgoc kekera séc ai imi Miñ Kewuninanéj nénécmiyu meanziñ imuhuc zéma nimma imuhuc wañ énécmimu. ⁹Imuac Galeñ ini acguc weleñ qeje hécgina imuhucyanec wañ énécmimu, néj ménda tericgé énécmimu. Némac niñ ionac zéma onac Miñ Kewugina imi ou kurumenjiguc kecañzac. Wañu iwac muru imi séwiac hémma niñgésigési méñ ménda hezac imuac mia imuhuc wammu.

Anutuac yaréac maleku selia.

¹⁰Tetecgiaiguc yomuhuc zéwa niñjic; Ini imi Miñ Kewuninawac qeriaiguc zéma iwac kuc buñawac kuhanéj meseli amumu. ¹¹Ini imi Biria miñinawac ikoc imi qewiñ zé Anutuac bunda maleku héigic séwigina moczoñ hoturudacmac. ¹²Neñañ yaré imi ic séwi busuninaguc me sacninaguc qahac, néj Biria miñinawac kewuya kewuya zéma kuc buña zéma baec siñi tunumañaguc imuac galeñhéra zéma sawaiguc uña biria iniguc wañanzñi. ¹³Imuac Anutuac bunda maleku héigic séwigina moczoñ hoturu énécmiyu nalé biraiguc ini efima yaré qemaguc nañselimu niñac imuhuc wammu. ¹⁴Imuac ini nañselima ac hélanéj rikunçina mema zikigic haka solañanéj tétécginaiguc hoturumu. ¹⁵Wañu hénia usugina luaeac buña suruc hiabianéj haima zéréñqéréñ wañamumu. ¹⁶Imuac qahaiguc toroqema ninzéñ ninzéñac saiwa mema iminéñ ic biriawac zakonj geric bélañaguc imi hézénçéma qéwéçgému. ¹⁷Añçéñ titiac opoc selia zéma Uña téréyawac sou Anutuac ackuaçéc imi memu. ¹⁸Wañu zéwelecgina zéma zéqaqacgina moczoñ néñ naléya qahac Uña téréyawac qeriaiguc zéwelecmu. Imuhuc wambiñ zé zenzeñ qeli qeli wamma nalé séc seliseli wamma zéwelecmu. Wañu ic embac téréya ionac niñ wamma zéwelecmu. ¹⁹Wañu nuac niñac momac nec zéwelecmu nuac muru ackuaçéc néñu kuana añçéma buña suruc hiabia imuac hénia saña imi porij qahac zéau énécmimañ niñac zéwelec wammu. ²⁰Neñ ai imuac mia Yesunéñ méli néñu hésa ic wamma keczua. Wañu imi mia neñ ac zémañac hezac imi porij qahac selianec énézémañ niñac imuhuc mihicji néñec.

Mozoc ac.

²¹Kekecnawac hénia me némac ai mema keczua imi onac momacnec énézéwa nimmu niḡac niḡzénj niḡzénḡac dacmuna zéma Miḡ Kewuninawac qeriaiguc ai ichéla keczac Tikiko inénj mia héniana imi moczoḡ énézédacmac. ²²Inénj mia nonac kekecninawac hénia énézéma ewa qerigina meefi énécmimac niḡac ni ic imi ai imuac téḡgénj méli énécmizua.

²³Anutu maḡgocnina zéma Miḡ Kewunina Kristo Yesuac murunec goi héihéiya luaeguc zéma niḡzénj niḡzénḡaguc iminénj dacmuna hécna onac muru hemac. ²⁴Miḡ Kewunina Kristo Yesu siḡa ménda humumia nimmianzu séc ionacmuru ewa hiayanénj he énécmimac.